

DE SIMONIA
DISPVATIO, IN
ACADEMIA INGOLSTA-
diana publicè proposita.

Coll. Rom.

MATTH. X.

Gratis accepistis gratis date.

Soc. Rega

ACTOR. VIII.

Pecunia tua tecum sit in perditionem.

Secr.

Id. Hor.



Ἰησοῦς, ἀγγελοῖς, καθύπερθε τοῦ οὐρανοῦ, καὶ ἀποστόλοις, ἐν τῷ ὀνόματι τοῦ κυρίου ἡμῶν Ἰησοῦ Χριστοῦ.



Exultantibus, iaculis flamma celestis amoris,
Carnem, animam mentemque, multo, fugo, cerno.

Ex Typographia Vucissenhorniana, Mense Septembri, Anno 1566.

8

DE SIMONIA THESIS.



I. VAMVIS SIMONIÆ

uitiū, quod semper apud bonos fuit infame, à Giezi Helisei ministro, uel Balaamo airolo non absurdè potuerit denominari: tamen quia ueterum sub lege sacra nullam ex sese gratiam conferebant, reclus à Simone Mago, qui ipsissimum Dei donū pecunia possideri existimabat, appellationem suam sortitur.

II.

Est autem Simonia studiosa uoluntatis, & destinatum quoddam animi propositum emendi aut uendendi aliquid spiritale, aut quod sit spiritali annexum.

III.

Vnde primum colligi potest, improbæ nundinationis huius obiectum res esse spirituales.

IIII.

Cæterum quando spiritus uocabulum, atq; spiritalium rerum ratio latè admodum patet, non quæuis promiscuè spiritalia, sed ea duntaxat, quæ primo & per se à Spiritu sancto, gratis supernaturalitèq; dante & infundente procedunt, Simonie subijci, et ueluti arenam propriam substerni putandum est.

Quare

V.

Quare licet scientiæ physicae & metaphysicae, & aliae qualescunque theoricæ uel practicæ notitiæ, nonnullam cum uerè spiritualibus affinitatem habeant, & eorum rationem nonnunquam etiam induant, tamen Simoniae materies non reputantur. Sunt enim huiusmodi, quæ non gratis peculiari dei opt. max. munere infunduntur, sed quæ, sicuti alia omnia, quibus uita hæc mortalium conseruatur, humanis studijs, laboribus, & uigilijs, quamuis non sine communi quodam auxilio Dei, hauriuntur & perficiuntur.

VI.

Nulla igitur ratione fas est, ea lege beneficium aliquod ecclesiasticum alicui conferre, ut qualemcunque is scientiam humano ingenio comparatam (nam de infusis aliud fortassis est iudiciū) profiteatur, uel aliā quamuis eiusmodi operam temporaneam, huic illiue impertiatur.

VII.

Illud uerò prohibitum non est, canonicatum, uel sacerdotium quodcunque, cui eiusmodi aliquod profitendi munus foret coniunctum, cum docendi onere conferre.

VIII.

Emptionis & uenditionis nomē, cuius facta est mentio in definitione Simoniae, omnem omnino non gratuitam uerum spiritualium cum temporalibus commutationem atque communicationem comprehendit.

IX.

A ij Unde

Vnde quoniam legum sanctionumq; ecclesiasticarum relaxatio, absq; ecclesiastica & spiritali potestate legitimè fieri non potest, æquè ad Simoniam pertinet, pro quacunq; canonica dispensatione precio pacisci, sicut sacri cuiuscunq; ministerij causa mercedem operis efflagitare.

X.

Ea breuiter spiritalibus in superiori definitione dicimus annexa, quæ per essentiam suæ efficientiam sic spiritalia non comperiuntur, sicuti sacramenta & reliqua huiusmodi gratuita dei dona: sed solùm quandam, cum illorum utrisq; societatem habent atq; affinitatem.

XI.

Talia sunt uasa sacra, uestes, templa, & alia eius generis quàm plurima, quæ quidem omnia ut primum consecrata fuerint, neq; uendi debent, neq; ratio uenditionis aut precij alicuius esse queunt, interim qua parte corpora, seu res corporeæ existunt, uenundari ea nihil prohibet, modò tamen ratione consecrationis nihilo carius exponantur.

XII.

Quod ad proximam Simonie sedem attinet, est ea in uoluntate hominis locanda, quippe quæ iustitiæ commutatiue atq; adeo religioni Christianæ ex diametro aduersetur, & grauem utriq; iniuriam adferat.

XIII.

RECTE Simonia in mentalem & realem diuiditur:

uiditur: Mentalem intelligimus, quamdiu prauum negotiationis in spiritalibus propositum animo conceptum, nullo externo inditio sese prodit: Vel cum à Simoniacapactione quis resilit prius, q̃ inchoatus Simonix foetus in lucem editur, Realem uerò statuimus, cum sacra ueluti sub hasta posita, aperte uenundantur: uel cum certa de persoluendo precio intercedente pactione, contraduntur.

XIIII.

Quare nullo Simonix crimine obligat sese, etiamsi grauius peccet, qui fraude uel impostura usus, cum beneficium uel sacra emere uidetur, certò apud se statuit, promissam pecuniam uenditori non exoluturū esse, Tum si idem hoc animi sui decretum collusori suo tempestiue patefacit, ad nullam restitutionem erit adstrictus.

XV.

SIMONIA non est uulgare flagitium, sed sacrilegium diuinis humanisq; legibus inhibitu atq; damnatum, quod iuri etiā naturæ, si quod aliud, quàm maxime repugnat: Nec enim rei sacræ natura fert, ut id, quod ex mera Dei liberalitate ad communem hominum utilitatem, datum & institutum est, perinde ac si priuati cuiuspiam peculium foret, uili lucello uenum eat.

XVI.

Quapropter non modo in lege mosaica, et in statulegis naturæ, apud priscos patres, ubi uera sacrificia, uera Sacramenta & sacerdotia diu multūmq; uiguerunt,

A in uerum

uerum etiam apud *A*theas et Barbaras nationes, uitium hoc Simonie fœdum semper et nefarium existimatum fuit.

XVII.

Nam etsi Gentes ante Christum natum & Euangelium promulgatum, Idolorū seruituti maxime essent addictæ, tamen legitimam ministrorum constituendorum retinebant potestatem: earum præterea flamines ad sacra obeunda designati, et more tunc recepto initiati, uera & ordinaria, populi in spiritualibus gubernandi, auctoritate & iurisdictione pollebant.

XVIII.

Committēbant igitur Ethnici quoq; Simoniam, si qui sua sacerdotia suosq; Pontificatus per largitiones impetrabant, uel sacra ipsa ob pecuniam administrabant: idq; non solum ex peruerso animi proposito, quod in Hieroboamo & Antiocho impijs Tyrannis facile cernimus, uerum ex ipso etiam, ut uocant, obiecto.

XIX.

Iure proinde meritoq; Simon Magus, et Balaamus ille Ammonites, quod gratuita Spiritus sancti dona uenalia esse arbitrarentur, ab Apostolorū coryphæo Simone Petro, & Synapostolo eius Iuda Thaddæo, grauiter reprehenduntur, & tanquā uiolatæ naturæ legis rei, manifestè condemnantur.

XX.

Porro autem dum Simoniam diuino & naturæ iure damnatam atq; proscriptam dicimus, non de quauis Simonie

monie specie quam Ecclesia punit hoc intelligimus. Libenter enim agnoscimus œconomias ecclesiasticas, nosocomiorum, xenodochiorū, gerontocomiorum, orphanotrophiorum etc. præfecturas, uicedominatū, iudicum uel aduocatorū ecclesiasticorū officium, stipendia ple-raq; ecclesiastica, nullo spiritali titulo affecta, & complura eius generis alia, quæ ad ciuilem potius et temporalem, quàm ad ecclesiasticam et spiritalem administrationem spectant, si probet Ecclesia, citra ullū peccatum uendi, certōq; precio redimi posse. Damnamus aut̃ eam hic potissimū Simoniam, quæ iure etiam pontificeo secluso, natura sua intrinsecāq; ratione Simonia est, ac haberi meretur.

XXI.

CÆTERVM ad Simoniam hæresim perfectè constituendam, non satis est preciū aliquod temporale, uel quod temporalis precij locū subeat pro re sacra exactum et persolutū fuisse, sed necessum est, ut hoc ipsum preciū solius rei sacræ exhibitæ causa, non aut̃ honoris, reuerentiæ, stipendij, oblationis, gratitudinis, laudatæ et receptæ consuetudinis, aliæque simili ratione exactū iā sit et persolutū, uel porro persoluendū cōstituatur.

XXII.

Quare Simoniaci habendi non sunt ecclesiastici homines, etiamsi præposterè faciant & peccent, qui cum deserviunt altari, uel diuina persoluunt, scopum sibi propositum habent pecuniam, non quidem ut ea sit sacri ministerij premium, sed uitæ tantum alimentum. Alioquin salarium

larium illud ueluti sacræ rei precium, uel laboris omnia
necessarij merces, à quoquam recipitur, is citra contro-
uersiam in Simoniam impingit.

XXIII.

Ita si quis nulla spe commodi allectus, sed sola formi-
dine impulsus alicui, sed idoneo tamen, beneficium con-
fert, uel aliunde procurat, nihil Simoniacæ sordis hic
contrahit, non magis sanè, quàm si idem metu forte per-
cussus, preces uel altaris sacrificium litet Deo, uel
quamcunq; aliam pietatis obeat functionem.

XXIII.

Imouero, ut rectè Ecclesiæ cōsultitur, dum seueriores
nonnunq; leges contra indignas clericorum promotio-
nes æduntur, ita pastores illi nihil contra suum designant
officium, qui talibus minis exterriti, dignos solum & i-
doneos promouendos, ecclesiasticiq; muneribus præfi-
ciendos curāt. Excipimus tamen eum metum, qui in pre-
cium non resoluitur.

XXV.

Rursum fieri solet, ut quidam consanguinijs suis,
dignis alioquin & meritis, beneficium aliquod ecclesia-
sticum impetrent, uel ultro assignent, ea potissimum ra-
tione ducti, quod sint iuncti sanguine, Et hij quoq; seclu-
so pusillorum scandalo, quod hoc tamè tempore uix unq;
secludi potest, neq; Simoniam, neq; ullum peccatum sal-
tem lethale perpetrant, quia & gratis & idoneis con-
ferunt.

Turpe

Turpe est & illiberale, ad amicitiam, laudem, fauorem uel quodcunq; aliud huiusmodi captandum, qualiacunq; spiritalia conferre uel administrare, uerū tamen quandiu nulla hic uera emptionis aut uenditionis ratio, nec ulla de persoluendo precio intercedit pactio, non est isthæc turpitude Simonia, quam Scripturæ damnant & leges puniunt, sed nec graue hoc usq; adeo est piaculum.

Nam si pro fructibus terræ, si pro corporis incolumitate, et alijs eiusmodi, fas est preces fundere, et tremēda mysteria offerre, nulli etiā crimini erit obnoxius, qui ad sedandum odium, conciliandam amicitiam, depellendam infamiam, illiusmodi operas præstat.

Fatemur interim si preces, laus, fauor uel amicitia in pactum deducerentur, uel in temporale commodū uerterentur, huiusmodi pactiōem nō satis tutam fore, Nā quod ad Simoniam constituendam attinet, parum referre uidetur, quanam uia, quibūscue medijs ad exoptatum precium perueniatur.

Qui eo animo principi uel præsuli alicui obsequitur, ut horum gratiam per quotidiana, quæ impendunt, officia promereantur, eaq; postea pingue aliquod sacerdotium, quasi iacti seminis foeturam enitatur, non id circo illi quidem Simoniaci efficiūtur, Siquidem sacerdotium

B

non

non ex certa cōuentione uel obligatione, sed ex mera dominorum suorum liberalitate consequuntur, et si seruitutem interim parum honestam seruiant, sicut & illi quoq; qui per hypocrisin, fictæq; sanctimonix uel eruditionis ostentationem, ad amplissimas quasq; dignitates, uel is; quod aiunt, remissq; contendunt.

XXX.

Nefas est, diuināq; & humana lege meritō interdictum, precium per modum precij exigere, ob eam operam, quam præstas, si ea sit cuiuscunq; rei sacræ intrinseca, & ad constitutionem eius prorsus necessaria, cæterum pro labore sacrum ministerium antecedente, uel per accidens (ut loquuntur) seu modo nō necessario comitāte, uel ob adiunctam aliquam obligationem, mercedē petere uel accipere illicitum non est.

XXXI.

Quare licet legitimū sit atq; adeo necessarium, ut sacerdotū ministri diuina mysteria gratis celebrēt, ut gratis Sacramenta & reliqua oīa spiritalia administrent, utq; semper ob oculos habeant Christi uerbum. **GRATIS** accepistis gratis date: non ideo tamen lege aliqua adstringuntur, ut domesticis cōmodis post habitis, ad tēplū, presertim lōgius positū gratis accedant, eo loco uel tēpore, hoc uel illo ritu uel pōpa, toties in singulos mēses uel annos, his uel illas ecclesiasticas obeant functiones.

XXXII.

PENSIO siue stipendium ecclesiasticum; quod alicui

alicui super alterius beneficium, propter obsequium spirituale bona fide Ecclesie impensum, uel olim impendendum constituitur, non potest improbari, nec quicquam eum cum Simoniaca contagione commune est.

XXXIII.

Vnde qui ex ecclesiasticorum est ordine, si morbo uel ætate ita foret affectus, ut officio, uel gregi sibi commisso commodè præesse non ualeret, potest is quidē alter utrum facere, modo tamen superioris accedat auctoritas, ut uel operis sui uicario honestum aliquod ex suo beneficio constituat salariū, uel ut retenta sibi necessaria pensionē, officio simul & beneficio cedat. Verū huiusmodi stipendia, quoniam ex spiritali officio proximè ortū trahunt, nequē uendi iure, nequē pecunia redimi possunt.

XXXIII.

Absq; graui peccato et Ecclesie detrimento fieri non potest, ut ulla super alterius beneficiū pensio ei constitutatur, qui nullum unquē ministerium spiritale uel temporale in Ecclesiam Dei contulit, nec alio modo beneficia iam est meritis, aut certē olim mereri instituit.

XXXV.

Hoc tamen nihil quicquid impedit, quō minus pars fructuum cuiuspiam beneficii, in alterum nondum translatus, præsertim si grauis & iusta adsit causa, nonnunquē queat adimi, ademptaq; in pios & necessarios usus conuerti: quanquā in ipsa transactione, bono id colore fieri ægrè admodum posset.

B 2

Si qua

XXXVI.

Si qua pensio extat ecclesiastica, quæ seruata iuris æquitate, cum beneficio ecclesiastico rectè permutatur, ea, quòd spiritalis sit, neq; uendi potest, neq; pecunia redimi. Sin cum sacerdotio legitimè cōmutari nequit, temporarius erit, et diuini proinde officij persolutionē nō exiget.

XXXVII.

Officia illa ecclesiastica, quæ ministerium spiritale nullum exercent, et reliqua quorum abalienatio solo iure Canonico interdicitur, ea inq; omnia, & si quæ sunt alia his affinia, si legitima facti extet ratio, non modò citra Sumoniam, sed citra omnem etiam noxam, à summo Ecclesiæ Hierarcha atq; pastore uenundari possunt.

XXXVIII.

Quandocunq; res aliquæ spirituales extremæ necessitatis censebuntur, ut morituro infantiulo Baptisma, licebit tunc quidem precium exactum persolvere, nō quidem ut Sacramentum ematur, sed quò per iniquæ uexationis depulsionem, imminens atq; præsens periculum deuitetur. Id autem neutiq; permittitur, cū spiritualia tantæ necessitatis casum non adducunt.

XXXIX.

Quocirca si cui forte ius competit ad aliquod sacerdotium, ius inq; imperfectum, hoc est, possessione uel proprietate nondum corroboratum, is obiecta impedimenta, per largitiones semouere bona conscientia non poterit, nisi forsā ut aut falsa aliqua calumniā à legiti-

ma electione, uel beneficij possessione impediatur: Sed
improbabile non est, post Canonicam electionem iniustas
diuexationes redimi posse, ab eo præsertim, qui factò
obesse, iure tamen prodesse non potest.

XL.

Rursum licet nefarium sit, sibi uel alijs ad quodcunq;
beneficium ecclesiasticū precio aditum communire, nulli
tamen crimini uidetur obstrictus, qui indignam alicuius
electionem aut promotionem pecunia impedire conatur.

XLI.

Postremo, ut plurima breuiter absoluamus, ad Simo-
niæ crimen referendū est, cuiusq; beneficio ecclesiasti-
co uel habito, uel sperato, pecunia cedere: peccatū, quod
iure oportuit denunciatum, studiose cælare: pœnitentis
reconciliationē quoquo modo procurare: à debito fra-
ternæ correctionis officio desistere: beneficiū ecclesia-
sticum cū certis legibus & conditionibus iure prohibi-
tis, in alternis usum resignare: Episcopos, presbyteros,
abbates et cuiuscunq; ecclesiastici ordinis homines con-
secrare uel cōfirmare: quodcunq; Sacramentum, uel sa-
cramentale ministerium exhibere: uirgines, nubentes,
templa, uasa, uestes cōsecrare uel benedicere: in alterius
Ecclesiæ uel beneficiū sese intrudere: pro fide data, uel
alia huiusmodi ciuili obligatione sacerdotium deprecare
uel accipere: ad religionis ingressum ostiū sibi aperire,
quæuis funeralia munia obire: uera deniq; sacerdotia,
singulari maiorum nostrorū pietate ad Dei cultum, hu-

manæq; salutis præsidium instituta, quocunq; colore uel prætextu, cum iniquo mamona permutare.

XLII.

Eteuim cū in quouis sacerdotio, tam libero quā curato, ut uocāt, tria tantū comperiantur, nempe officium siue ipsum ministerium sacrum, stipendij percipiendi ius, quorū utrunq; spiritale est, et ex spiritali causa proxime exortum, & ipsum deniq; stipendiū, siue fructus ex utroq; promanantes, cōsistere nullo modo potest, ut quispiam functionem siue officiū ipsum conferat gratis, & gratis adhuc ius recipiendorum censuum ecclesiasticorum largiatur, & census interim ipsos licitē uendat, uel sibi etiam ipsi retineat.

XLIII.

E diuerso à Simonie contagio alienum debet haberi, pro euangelizandi munere, uel alio quouis ministerio spiritali, uitæ alimoniam exigere, sacerdotia cū cautionibus lege permissis instituere, uel inter se cū superioris facultate permutare, cruces, calices et reliquā Ecclesie supellectilem, qua ratione corporalia sunt, uenundare uel emere, pro quacunq; arte uel scientia etiam Theologica, tradenda & explicanda, laboris industriæq; precium sumere uel petere, beneficij sui fructus utcunq; uisum fuerit, erogare;

XLIIII.

Eadem ratione nullam Simoniam sapit, si dotis nomine postuletur eleemosyna pro sustentatione monialium, præsertim

præsertim si monasterium egestate laboret, aut prouen-
tibus necessarijs destituatur. Verùm si opulentum fue-
rit, & de certa nihilominus pecuniæ summa numeranda
inter se conueniant monachæ, modo tamen non pro reli-
giosi instituti aut susceptione aut professione, sed alio
quopiam sine non religioso id fiat, non tum efficiuntur
illæ Simoniacæ, utquæ nihil sacrum emant uel uendant:
cæterum hoc ipso non obscure declarant, se minime id es-
se, quod audire uolunt, quòdque secundum professionis sue
rationem esse debebant.

XLV.

Qui sciens & uolens ecclesiasticū beneficium per Si-
moniam inuasit, in neutrum ille ius unquā aut dominium ha-
buit, ac proinde restituat necessum est, tam beneficium, quā
fructus ipsos, quos percepit, uel quos diligens pater fa-
miliæ, necessarijs expensis deductis, percipere potuisset.

XLVI.

Quòd si uero quispiam nolens, uel ignorans, dum al-
ter uidelicet fraude, uel alio quocunq; modo precii per-
soluit, huc forte peruenit, beneficium quidē ille consulte
deseret, non tamen obstringitur ad fructuum, quos bona
fide perceperat, restitutionem, sed ad eos tantum, qui
adhuc extant & reddi possunt.

XLVII.

Præter hanc restitutionis pœnam & excōmunicatio-
nis censuram, notorij Simoniaci tum infamiæ, tū exanto
rationis quoque meritū sibi adsciscūt, et suscepti præterea
ordinis

ordinis executionem, suorumq; benefactorum administrationem amittunt, non tamen iurisdictionem eam, quam legitime prius administrabant.

XLVIII.

Has Canonum poenas legislator non incurrit, noxam tamen et poenas diuinitus noxae debitas, ut euadat neutiquam fieri potest.

XLIX.

Ceterum quae ex Simonia nata sunt, ea non ipsis Simoniacis, ut qui non inuiti, ut foenus persoluentes, sed plane ultroni, sua perdiderunt, restitui debent: sed ijs quibus potissimum facta uidetur iniuria, hoc est Christo, eiusque Ecclesiae, uel pauperibus: ueruntamen precium datum ante Simoniam consummatam, uel iudicialiter condemnatam, ei qui dederat reddi posset.

L.

Postremo quae de culpa et poena Simoniacorum diximus, ea omnia suo quoque modo, de procuratoribus, et intercessoribus accipienda putamus, Non enim ij tantum digni sunt morte, qui talia agunt, sed ij etiam, qui facientibus aut consentiunt, aut quocunque modo consilio uel patrocinio suo adsunt.

Laus Deo.

SVB PRAESIDIO THEOD: PELTANI, COLLEGII
Theologici pro tempore Decani, defendet Georgius Schuueickhart
Dilinganus artium Magister, et S.Theologiae candidatus.

Die Iouis proximo.

Thefa. lege ariolo. 8. rerum. 16. Polytheas. 21. constitutum. 25. consanguineis. etc.

